

春秋不傳

卷七之卷九



春秋不傳卷七

寶應湯啟祚著

宣公

名倭一名接又作委文公之庶子也按諡法善問周達日宣

癸丑周

匡王元年 晉靈十三 齊惠公元年

衛成二十七年 蔡

十九年 宋文三 秦共 公稻元年 楚莊六 鄭穆二十 曹文十 陳靈六 杞桓二

春王正月公即位

猶之桓公之言即位也

公子遂如齊逆女

弑君之賊不復見此其復見何歸獄于宣公也先君之喪猶未踰小祥何以娶結齊援也其結齊援若何夫人齊女也子齊甥



也子賊而夫人歸則其見怒于齊奈何故知大夫并使者先約
婚于齊而後賊夫子也乃文何以無貶夫喪未踰小祥而娶奚
容貶矣且公弑君者也又何責耳已遂稱公子從翬比也

三月遂以夫人婦姜至自齊

遂不言公子一事再見也婦者有姑之辭責敬嬴也敬嬴者嬖
妾也成風者亦嬖妾也僖公用禘于大廟以致之君子猶且非
之乃敬嬴因遂而賊子以立其子出主君夫人而遂侈然自立
焉故君子謂其有姑之心也則誅之夫人姜何以不言氏以宗
廟爲弗允也

夏季孫行父如齊

請爲平州之會以定公位也奚以而請諸以賂也然則行父其
亦從之者與夫弑君者之位豈列于會而遂可定者然于春秋
之時則然

晉放其大夫胥甲父于衛

曰放非所宜放也穀梁子曰放猶屏也舉國以放放無罪也夫
胡氏謂爲羈置之者其不然乎晉何得以羈置之于衛也

公會齊侯于平州

以齊志罪齊侯也猶桓公書會鄭伯于垂也

公子遂如齊

致賂也

春秋不傳 卷十
六月齊人取濟西田

外不言取以外而取內授之也何以授之賂也故不以濟西田屬之我我爲弗愛之矣人齊侯而言取非其有也與與受均罪也故謹而月也

秋邾子來朝

首朝亂賊奚容貶矣

楚子鄭人侵陳遂侵宋

人鄭伯也何罪其黨夷以病諸夏也曰遂志肆也何以知其鄭伯楚子親將鄭伯敢不親焉

晉趙盾帥師救陳

善救陳也霸者之師也夫救陳則必救宋矣何以不言宋削之也何以削之宋者弑君則不能討之而復救之豈霸者之師與宋公陳侯衛侯曹伯會晉師于棐林伐鄭

此晉趙盾之師也何以不言趙盾不以諸侯會大夫也存君臣也地而後伐美之也于棐非之矣乃于棐林美之何會于棐鄭不可以伐焉耳會于棐林鄭可以伐焉耳

冬晉趙穿帥師侵崇

崇者微國也其書帥師以侵何志趙穿之專兵也

晉人宋人伐鄭

鄭可伐也其貶而人何不正其偕宋人也

甲寅周匡王六年晉靈十四年

春王二月壬子宋華元帥師及鄭公子歸生帥師戰于大棘宋師敗績獲宋華元

將獲矣豈不知師之敗績者其兼言也何決大夫與師敵也

秦師伐晉

夏晉人宋人衛人陳人侵鄭

稱人以侵曲之也曷為曲之大棘之戰既負宋曲矣而晉合諸國為之報怨豈霸討也矣安知非微者將乎知之于衛之先陳也

秋九月乙丑晉趙盾弑其君夷臯

躬弑君者趙穿也非趙盾也何以謂之趙盾主乎弑君者也其主乎弑君若何于是趙盾當國趙穿之得兵蓋趙盾之為也則趙穿之弑君趙盾之志也兵莫歸于志鑢為鈍故我之賊亦不以輦而以桓不以遂而以宣也何以知其穿侵崇不必言帥師也而以穿尸之得兵也且穿不復見也何以知其非盾復見也

冬十月乙亥天王崩

乙卯周定王三年晉成公黑臀元年鄭穆二十二年卒

春王正月郊牛之口傷改卜牛牛死乃不郊猶三望

桓無王宣何以有王從同同也郊牛何以不言牲不成乎牲也

或傷且死矣之云者緩辭也傷自牛作也乃者有故之辭不正其以是故也于是乎天王在殯禮諸侯爲天王服斬衰而行郊禮豈復有臣子之心乎君子蓋謂當以天王崩之故而不郊不當以牛傷且死之故而後不郊也

葬匡王

四月而葬王室略于禮也慢也

楚子伐陸渾之戎

夷狄相攻不志此其志何陸渾之戎在王畿之側也

夏楚人侵鄭

鄭故即楚矣今而見侵能即夫晉也故人楚也

秋赤狄侵齊

宋師圍曹

冬十月丙戌鄭伯蘭卒

葬鄭穆公

丙定王四年鄭靈公夷元年
辰周二年秦共四卒

春王正月公及齊侯平莒及邾莒人不肯公伐莒取向

曰及內志也平平之也不肯云者可以肯也以大平乎小也夫平善也況以大而平小乃莒人之不肯何其平之也先莒而言及強莒也其平之不以其道也平之不以其道雖強大不能得之于弱小也曰取惡取也非其有也蓋平義也取不義也奈何

其乘義而爲利也

秦伯稻卒

夏六月乙酉鄭公子歸生弑其君夷

赤狄侵齊

秋公如齊公至自齊

公比年朝齊矣未有不致之者其致也何謹之也謹之者惡之也其惡之也何所朝乎齊者德之也德其援我以弑也

冬楚子伐鄭

舉爵以言伐善之也何善乎伐鄭于是鄭人弑君霸主諸侯未有能討之者而楚能焉故善之也且善楚所以惡晉也

丁巳周定王三年五年鄭襄公堅元年秦桓公榮元年

春公如齊

夏公至自齊

秋九月齊高固來逆子叔姬

大夫之自逆也而公主之非禮也猶書莒慶來逆叔姬也

叔孫得臣卒

內大夫之卒日也其不日恩略也叔孫得臣黨乎遂并使乎齊以成乎公之弑豈或略于恩者何以不日削之也子若日是從之者也是不足爲有無之臣也則不足以加之恩者也

冬齊高固及子叔姬來

未踰年而歸寧非禮也而夫與偕焉則高固亦不夫而已禮大
夫非君命與公事不踰境則齊侯亦不君而已

楚人伐鄭

亦既已聲厥罪矣復從而伐之是陵諸夏也故人之

戊午周定王六年

春晉趙盾衛孫免侵陳

弑君之賊不復見此其復見何晉人弗賊之也晉人曷爲弗賊
之躬弑君者趙穿也乃子則賊之矣其復見也何非原之也卽
趙盾以示戒也其卽趙盾以示戒若何趙盾實非躬弑君者也
以主乎弑之故而歸之獄然恐天下後世之莫知而或蹈也故

卽晉之弗賊夫趙盾者而示之式若曰趙盾弑君者也乃實非
躬弑君者也以主乎弑之故天下後世其無若趙盾然豈原夫
趙盾哉何以侵陳陳卽楚也陳卽楚而加之兵可也何以不言
伐不能自反也其不能自反若何晉嘗救陳矣且以鄭之病陳
而再偕陳以伐鄭矣夫屢有德于人而人莫我懷無亦已是闕
與徒尤于人奚庸焉乃若陳之卽楚則又何責耳已

夏四月

秋八月螽

冬十月

己未周定王七年

春火下傳

卷七 宣公

七

春秋左傳卷一
春衛侯使孫良夫來盟

致我于晉也

夏公會齊侯伐萊

秋公至自伐萊

大旱

比年而災天應之也于是公慝莫甚焉

冬公會晉侯宋公衛侯鄭伯曹伯于黑壤

始通于晉也是衛侯致之也夫晉者霸主也公之立七年矣何以迨于今乃通則以弑君之故而不敢往也故比年朝于齊者固德其援己也且欲以齊抗晉也乃晉卒不加討焉而復會焉

則晉亦無能為而已矣

庚定王申周六年八年

春公至自會

夏六月公子遂如齊至黃乃復

乃者有故之辭曷故乎疾也故言所至猶非無意于至也日復不宜復也壅君命也夫有疾而復惡乎不可大夫以君命出雖有疾不返卽死以尸將事禮也

辛巳有事于大廟

有事者何時祭也時祭則其言有事何時祭諸侯之所有事也然則有日烝日嘗何也其事無失日有事其事有失則日烝日

嘗

仲遂卒于垂

此公子遂也何以去其公子賊也仲字也何以字之氏也生而賜族也德其弑子以寵之也故知凡遂之弑爲宣弑也夫僖公季子之賢君子猶且非之而况宣與遂之惡也此不卒者也何以卒以事之變卒之也故不言公子不卒者也地于外也

壬午猶繹萬入去籥

繹者何祭之且日以賓尸也猶云者可已之辭禮大夫卒當祭則不告終事而聞則不繹不告者以盡誠也不繹者以全恩也壬午猶繹其寵臣之禮謂何萬舞也日入內不受也先萬而後

入不可以萬也日去去之也籥管也先去而後籥可以去也公羊子曰廢其有聲者用其無聲者是知其不可而爲之者也

戊子夫人嬴氏薨

嬴氏非夫人也其曰夫人何夫人之也成風猶用禘于大廟以致之若敬嬴則竟夫人之矣何以無譏從同同也

晉師白狄伐秦

用衆而偕狄豈霸討與

楚人滅舒蓼

秋七月甲子日有食之既

冬十月己丑葬我小君敬嬴雨不克葬庚寅日中而克葬

穀梁子曰葬不為雨止禮也雨不克葬喪不以制也而云者難辭也乃云者亦難辭也曷為或言而或言乃言乃正也言而不正也難事而易言之也蓋即天之所以見怒者而見正焉

城平陽

楚師伐陳

辛酉 定王九年 晉成七年 衛成三十五年卒

春王正月公如齊

公至自齊

公朝于齊夥矣未有謹以月者此其月也何以仲孫蔑如京師而謹之也蓋舉王以討也

夏仲孫蔑如京師

公之立九年矣未嘗一朝于京師也而比年朝于齊且未嘗一聘于京師也九年而後使仲孫蔑焉而同年公先親朝于齊君子謂公之慎為已甚矣書時志慢也且厭詳也

齊侯伐萊

秋取根牟

根牟者何無聞焉耳則未知其國乎邑乎

八月滕子卒

九月晉侯宋公衛侯鄭伯曹伯會于扈晉荀林父帥師伐陳

諸侯會也何以大夫帥師以伐討不睦也晉嘗救陳矣諸侯皆

會而陳侯獨否即于楚也故知此霸討也然則是諸侯之師也何以不言諸侯睦也猶然會于黑壤之諸侯也魯何以獨不會終棄晉也君子謂公于是失事大之禮也

辛酉晉侯黑臀卒于扈

扈者晉地也在其境內矣何以地卒于會也乃何以不言會而言地未出境也未出境而不歸是得正而斃也君子謂晉侯于是乎知命何以不葬我不會也于是乎公專向于齊雖以霸主之葬赴而猶不會焉君子謂公誠失事大之禮也

冬十月癸酉衛侯鄭卒

不葬亦不會也

宋人圍睢

圍國豈無師其稱人何目君也目君則其稱人何惡圍喪也

楚子伐鄭

晉卻缺帥師救鄭

善救鄭也目楚子也者罪其以重兵臨之也公羊子曰君將不言帥師舉其重者也

陳殺其大夫洩冶

王定王十年晉景公獮元年齊惠十卒
戊周八年十年衛穆公速元年陳靈十五弑

春公如齊

公至自齊

春秋不專

卷七 宣公

七

齊人歸我濟西田

歸田多矣此何以獨言我親之也蓋公之事齊謹矣故齊侯昵公而厚之也故知曰我者譏公也曰人者譏齊侯也何也其與之道與受之道皆非其道也

夏四月丙辰日有食之

己巳齊侯元卒

齊崔氏出奔衛

齊侯卒則崔氏何以出奔逐之也先君之寵臣也曰氏以族行也乃崔氏復于齊矣復而能弒君則亦見其宗之強也

公如齊

五月公至自齊

春朝之矣何以復如焉奔其喪也夫天王之喪則不奔則齊侯何以奔慎也故謹而月也然何以不言奔喪諱也諸侯不相奔喪也奔喪事天王之道也

癸巳陳夏徵舒弒其君平國

六月宋師伐滕

月伐而言師譏用衆也往歲嘗圍其喪矣且盍用之以伐陳也公孫歸父如齊葬齊惠公

天王之葬則微者會則齊侯何以卿會慎也

晉人宋人衛人曹人伐鄭

晉嘗救鄭矣復摟諸侯伐焉鄭復卽楚也然則是霸討也其稱人何于是乎陳人弑君不能討焉而伐鄭是亟焉豈霸討也已
秋天王使王季子來聘

王季子者天王之母弟也則貴者也書非貴之也譏天王之不能討弑君之罪而顧使貴者以聘之也且公之所以事天王者後于齊遠矣故自是而天王之聘皆不書謂其亦無靈而已矣
公孫歸父帥師伐邾取繹

大水

季孫行父如齊

冬公孫歸父如齊

公之事齊爲已悉矣卽爲已甚矣何以知其悉事不攝也

齊侯使國佐來聘

未踰年之君也何以舉爵以君命使之也是死其親也崔氏之出奔也改父之臣也葬之速也哀已忘也君子謂齊侯于是乎不子

饑

志饑戚饑也然則善之乎曰不古者畊三而餘一則公宜有三年之蓄也生不衆食不寡爲不疾用不舒雖戚何爲

楚子伐鄭

癸亥周定王十有一年
齊頃公無野元年
陳成公午元年

春秋不專

卷七 宣公

七

春王正月

夏楚子陳侯鄭伯盟于辰陵

霸楚子也遂得陳鄭矣夫楚夷也其霸之也何往者鄭人弑君晉與諸侯不能問而楚問焉今者陳人弑君晉與諸侯不能討而楚討焉則固有霸道也雖然非聖人意也不得已也

公孫歸父會齊人伐莒

莒豈亦有陳人弑君之罪與

秋晉侯會狄于欒函

以霸主而言會外狄也噫晉霸主也而亟會夫狄嘻甚矣

冬十月楚人殺陳夏徵舒

稱人以殺討賊之辭也此入而殺也何以先言殺而後言入不以入陳累殺陳夏徵舒也夫既已入也猶不以累之何罪諸夏也夏徵舒之弑君二年矣乃宋則圍滕而伐鄭衛與曹則伐鄭魯則伐邾與莒齊則伐莒未或有移師以向陳者雖然是猶可言也若晉霸主也乃非惟伐鄭且會狄焉是則不可言也故君子不得已而與楚也

丁亥楚子入陳納公孫寧儀行父于陳

晉日入而目君甚入也殺陳夏徵舒義也入陳非義也秉義而爲利也是猶蹊田而奪之牛也公孫寧儀行父也者陳之二臣也不係諸陳義不得以復入于陳也賊臣也殆不可以強致之也

春秋不傳 卷十 宣公

甲子周定王十有二年

春葬陳靈公

討賊者非臣子也何以葬君子辭也賊已討矣則亦可以已于憾也然不月志慢也于以見臣子之不能討賊焉

楚子圍鄭

圍國而舉爵無譏焉耳是必鄭復即晉矣何以無譏以其能討陳而恕之也罪諸夏也

夏六月乙卯晉荀林父帥師及楚子戰于邲晉師敗績

楚子圍鄭則晉何以及楚戰于邲救鄭也何以不言救鄭不與

其救鄭也夫救善也何以不與晉曲而楚直也其曲直若何所貴于霸者為其有討有罪之義也于是晉義不若楚不能與楚競義也者則不能與楚競直也者故戰以晉及之也則固有敗道也且即其以臣敵君是亦一曲道也

秋七月

冬十有二月戊寅楚子滅蕭

日滅甚乎暴也楚雖有義而乘勢以斬人之宗祀則暴之甚也晉人宋人衛人曹人同盟于清邱

同盟而晉人之惡是盟也斯同外楚也何以惡之不能自強焉祈為可以服楚者而徒結援以圖為所以禦楚者非其道也而

況欲禦之而復不能也

宋師伐陳

衛人救陳

伐陳所以外楚也何以稱師以甚宋而書救陳以善衛乎宋所以禦楚者非也若衛之食言于清邱則固無煩譏焉耳

乙丑周定王十一年十有三年

春齊師伐莒

夏楚子伐宋

是伐陳之師致之也此之爵楚非與之也乃所以甚晉也夫楚伐宋則何以甚晉晉者霸國也今楚子儼然在于宋而晉師不

出不亦食清邱之言已乎夫衛之救陳猶人之矣而况霸國矣

秋螽

冬晉殺其大夫先穀

丙寅周定王十一年十有四年曹文二十三年卒

春衛殺其大夫孔達

夏五月壬申曹伯壽卒

晉侯伐鄭

秋九月楚子圍宋

晉楚皆爵其德均也皆月厥事其罪均也君子謂晉于是乎遂無以愈于楚也

葬曹文公

冬公孫歸父會齊侯于穀

丁卯周三年

定王十

十有五年

曹宣公廬元年

春公孫歸父會楚子于宋

是會楚子于圍宋也楚者夷也宋者先代之後也楚子圍宋則不能救之而復于其圍會之噫其甚矣夫

夏五月宋人及楚人平

以宋志惡宋也夫平善也其惡之也何平楚也故人乎宋也謂其下喬木而入幽谷也外平不志也此其志何重之也故謹而月也其重之也何楚人之強雖有日也已然所得而服者許蔡

而已若鄭與陳則晉猶與之爭之也而後乃今遂已得夫宋也彼晉氏之與不其孤而

六月癸卯晉師滅赤狄潞氏以潞子嬰兒歸

國言滅而君舉爵衆迫之也曰氏族夷之也豈霸討也乎故日之者志暴也

秦人伐晉

王札子殺召伯毛伯

先名而後子穀梁子曰當上之辭也召伯毛伯不名無罪也其殺也不言其兩下相殺也何以書以王命殺之也則何以言殺矯王命也穀梁子曰為天下主者天也繼天者君也君之所司

者命也為人臣而侵其君之命而用之是不臣也為人君而假其臣以命是不君也君不君臣不臣此天下所以傾也

秋螽

仲孫蔑會齊高固于無婁

初稅畝

稅畝者何履畝而稅也是廢什一之制也是大桀小桀也言初志亂始也于是乎公繁于朝聘而忽于農桑而天災復應之而復剝民以給之夫誰匪吾民忍腹其膏本斯撥矣其奚以能國

冬蝥生

蝥者何螽之初生者也記重災也

饑

于是乎再饑易曰不節之嗟又誰咎也

戊辰周定王十四年

春王正月晉人滅赤狄甲氏及畱吁

舉王以討晉人何也甲氏者潞之遺孽也畱吁者潞之餘邑也奈何其盡殄之也豈直睽先王薄伐之義而已則不仁孰甚

夏成周宣榭火

成周者何東周也宣榭者何宣王之廟也榭者臺之有堂而無室者也宣王之廟曷為謂之榭乎其制如榭也火者何人火之也人曷為火之天火之也天火之則何以不言災而言火無災

春秋不傳 卷一
道也故知凡言災者皆有災道也然安知非宣王之有隱慝焉
則臣子之辭也何以書為天下記災也凡火天火日災人火日
火

秋邾伯姬來歸

先言邾伯姬而後言來歸可以出也有罪也故知齊人來歸子
叔姬無罪也夫內女有罪而出恥也曷為不諱聖人之所謹也
婚姻之禮廢則夫婦之道苦淫辟之罪多矣故曰男女居室人
之大倫也

冬大有年

記異也五穀皆豐熟曰大有年何以為異宣宜無年者也然則

天道僭乎曰不前此者十有五年之間而災已六矣

已周定王十有七年 蔡文二

春王正月庚子許男錫我卒

丁未蔡侯申卒

夏葬許昭公

葬蔡文公

其赴也詳矣而其會也略焉內不敬也君子謂公失交鄰國之
道也雖然君親而薄矣盟主而忽矣其他又何責焉

六月癸卯日有食之

己未公會晉侯衛侯曹伯邾子同盟于斷道

自是而公棄齊而即晉矣

秋公至自會

冬十有一月壬午公弟叔肸卒

公弟者何公之母弟也公之母弟則公子也何以不言公子而言公弟得弟道也叔字也何以字之賢之也何賢乎叔肸得弟道也其得弟道若何宣弑而非之也其宣弑而非之若何蓋終身不食宣公之食然則何以不去乎兄弟無絕道也故雖非之而不去也君子以是為通恩也故取貴乎春秋奚以明其然也夫曰公弟則親者也且亦貴者也公之在位十有七年矣其間伐會朝聘之事衆矣若遂若蔑若行父若歸父之以事著者多

矣而肸未嘗以一事見是不食其食也故知叔者其字也非生而賜族也夫不為大夫則雖公子與弟弗卒其卒賢之也卒而日之賢之也

庚午周定王十有八年 蔡景公固元年 楚莊二十三年

春晉侯衛世子臧伐齊

世子將兵危道也

公伐杞

夏四月

秋七月邾人戕郈子于郈

戕之為說猶賊也謂賊而殺之也諸侯之卒在國不地其曰于

鄆何罪其臣子也夫已則有君而人得賊之而莫能禦之是何異于已賊之也夫豈若夷貉之無城郭宮室百官有司者也又況邾人嘗執鄆子用之矣又其所不共戴天者也

甲戌楚子旅卒

穀梁子曰夷狄不卒卒少進也何不言葬乎公羊子曰辟其號也故凡楚之卒不葬也

公孫歸父如晉

冬十月壬戌公薨于路寢

歸父還自晉至筮遂奔齊

歸父不氏一事再見也曰還事未畢也曰自晉事畢也其至有

地猶非無意于至也至筮矣何以遂奔齊奔之也曷爲奔之歸父者公子遂之子也故有寵于先公夫一人有寵則無寵者必多矣故君薨而家遣也穀梁子曰與人之子守其父之殯捐殯而奔其父之使者是亦奔父也乃若歸父則造次顛沛而未失禮也是善而已矣其加以繼事之辭何爲奔之者諱也是則臣子之辭也

春秋不傳卷七終

五世姪孫 顛校栞

春秋字音

宣公

二年

棘

紀力反

三年

渾

戶門反

四年

郟

音談

向

見隱二年

八年

繹

音亦

籥

音藥

蓼

音了

去

起呂反後言去樂同

九年

臀

音屯

洩

音泄

冶

音也

十有一年

攢

才端反

十有二年

邲

音彌

十有五年

潞

音路

札

測入反

喙

悅全反

十有六年 榭音夜

十有七年 斷音短

十有八年 戕音牆

春秋不傳卷八

寶應湯啟祚著

成公 名黑肱宣公之子也 按諡法安民立政曰成

辛周定王十年 晉景十 齊頃九 衛穆十 蔡景二 鄭襄
未周七年 曹宣五 陳成九 杞桓四十七 宋

文二十一 秦桓十 五 楚共王審元年

春王正月公即位

正也猶之文公也

二月辛酉葬我君宣公

無冰

三月作邱甲

三作者何為也作邱甲者何邱為一甲也曰作非所宜作也曷為
作之備齊難而益兵也則其固國之道非也其制若何古者方
里而井井九夫四井為邑四邑為邱四邱為甸甸旁加一里為
成成出一乘乘三甲甲二十有五人是邱也者積百四十有四
家而纔出十有七人耳未彌夫甲也今日作邱甲則殆三而益
一也夫豈不亦厲民已乎月謹黷武也

夏滅孫許及晉侯盟于赤棘

我志也

秋王師敗績于茅戎

不戰而曰敗績不敢戰也存君臣也然則何以猶曰敗績自反

也且敗于戎也則不與責焉耳然而實則戰矣故王不言天謂
之不能天焉耳何以不日不月危之也有不敢詳者也殆猶書
戎伐凡伯于楚邱以歸之不日不月焉

冬十月

壬申周定王十二年衛穆十一卒
宋文二十二卒

春齊侯伐我北鄙

以我之即乎晉也然則殆未可以伐我也何以無貶夫齊雖未
可以伐我我獨可以為鞏之戰乎蓋君子無諸已而後非諸人
夏四月丙戌衛孫良夫帥師及齊師戰于新築衛師敗績
既敗而猶主之曲之也世子臧之役前此矣

春秋左傳卷八
六月癸酉季孫行父臧孫許叔孫僑如公孫嬰齊帥師會晉郤克
衛孫良夫曹公子首及齊侯戰于鞏齊侯敗績

我何以四將四軍也大國之軍三而已我何以四軍則作邱甲
之所益者也僭也夫將稱元帥副可略焉其詳言也何危公也
何危乎公四卿并出孰與左右以爲守君子謂季孫之專也是
伐齊而戰也何以不言伐不與其伐也謂四國之無辭以加也
齊敗矣何以不言師敗及君也故知有君將而言師敗績者其
敗猶未及君也曹無大夫其曰公子首言諸國之威齊也

秋七月齊侯使國佐如師己酉及國佐盟于袁婁

曷爲不盟于師而盟于袁婁逮而盟也曷爲逮而盟齊不肯也

故曰齊侯使國佐如師不曰來盟無意乎盟也晉急之也故盟
以晉及之也夫齊困矣晉曷爲急之欲于賂也焉用知之我有
賂矣則晉豈無焉

八月壬午宋公鮑卒

庚寅衛侯速卒

取汶陽田

汶陽田無所屬我故田而失之齊者也何以取之齊賂也猶之
僖公書取濟西田也

冬楚師鄭師侵衛

十有一月公會楚公子嬰齊于蜀

春秋不傳 卷八
公何以下會蠻夷之大夫乎則辱孰甚矣盍諱言之曰諱則無以見也故以楚大夫而貴言之者以公會之也若曰是猶可言而已且以諱會侵衛之師也

丙申公及楚人秦人宋人陳人衛人鄭人齊人曹人邾人薛人鄆人盟于蜀

盟先楚人主是盟也何以不言會而言及不與楚主盟也故盟而先言會者二之也是楚公子嬰齊也齊後于諸國則是秦宋陳衛鄭皆貴大夫也何以胥人之惡是盟也與會同地矣且同月矣何以兩地之重惡也然則何以不諱公前此矣

癸酉 定王十三年 衛定公滅元年 宋共公固元年

春王正月公會晉侯宋公衛侯曹伯伐鄭

晉舉爵而言伐霸討也宋衛不言子吉服以從金革也

辛亥葬衛穆公

二月公至自伐鄭

甲子新宮災三日哭

新宮者何宣公之宮也宣公之宮曷為謂之新宮神主未遷也宣公之薨二十有八月矣而主猶未遷緩也故不言火而言災言不共之致也曰哭可以不哭也禮焚其先人之室則哭之三日乃此之可以不哭何神主未遷也焚其先人之室而哭者以嘗寢食笑語于斯而想之也新宮災三日哭于人情何居

乙亥葬宋文公

衛穆公之葬也宋文公之葬也皆過時而日隱之也孤背殯而即戎也

夏公如晉

鄭公子去疾帥師伐許

公至自晉

其致也何先君之喪闕矣不入見夫天子而朝于晉也

秋叔孫僑如帥師圍棘

棘者何汶陽田之邑也則我之故邑也曷爲圍之不服也故邑也曷爲不服于是魯稅畝矣作邱甲矣故雖故邑而不願爲之

氓也是獨不可以自反也乎

大雩

晉卻克衛孫良夫伐虜咎如

冬十有一月晉侯使荀庚來聘衛侯使孫良夫來聘丙午及荀庚盟丁未及孫良夫盟

來聘也何以盟聘而遂盟也聘而遂盟非也蓋古者有聘無盟庚與良夫不係諸國遂事也惡之也孰及之盟公也曷爲諱之庚與良夫抗焉則辱也聘不月也何以月盟日之月也

鄭伐許

鄭以國舉專卽于楚而且病諸夏也

甲定王二十四年鄭襄十
戊周十年八卒

春宋公使華元來聘

二月壬申鄭伯堅卒

杞伯來朝

夏四月甲寅臧孫許卒

公如晉

葬鄭襄公

秋公至自晉

冬城鄆

鄭伯伐許

嘗于伐許以國舉矣此其爵也何非爵之也誅不孝也喪未踰年而金革是從且吉服也

乙亥周定王二十五年鄭悼公
一年崩費元年

春王正月杞叔姬來歸

鄭伯姬不月此何以月詳之也曷為詳之無罪也無罪則盍先言來歸矣以夫歸妻也以夫歸妻雖無罪猶罪也何以知其無罪有後事也

仲孫蔑如宋

報聘也

夏叔孫僑如會晉荀首于穀

梁山崩

記異也梁山何以無所屬大是異也為天下記異也

秋大水

冬十有一月己酉天王崩

十有二月己丑公會晉侯齊侯宋公衛侯鄭伯曹伯邾子杞伯同

盟于蟲牢

鄭始服也是一國之欲耳其言同何惡之也曷為惡之天王崩

不奔喪而會盟不廢也

丙子周簡王六年鄭悼二卒吳子壽夢乘元年

春王正月公至自會

二月辛巳立武宮

武宮者何武公之宮也曰立不宜立也曷為不宜立喪事即遠有進而無退宮廟即遠有毀而無立二昭二穆與太祖而五者諸侯之廟制也曰考廟曰王考廟曰皇考廟皆有祭焉曰顯考廟曰祖考廟享嘗乃止去祖為壇去壇為墀壇墀有禱則祭無禱乃止去墀為鬼諸侯之祭法也武公歷世十有一矣則是毀宮也而復立焉非即遠之意也曰謹也

取鄆

鄆者何國也國則其言取何滅之也滅之則何以不言滅而言取諱也滅人之國內之大惡也夫諱莫如深盍并削焉曰不敢

沒其實云耳

衛孫良夫帥師侵宋

以帥師而言侵背蟲牢之盟也

夏六月邾子來朝

公孫嬰齊如晉

壬申鄭伯費卒

秋仲孫蔑叔孫僑如帥師侵宋

二卿并將其言侵何亦背蟲牢之盟也將稱元帥其并言也何

詳內也

楚公子嬰齊帥師伐鄭

冬季孫行父如晉

晉欒書帥師救鄭

善救鄭也而楚臨喪以大衆之罪可知矣故雖無貶可也

丁丑周簡王七年 鄭成公
喻元年

春王正月麇鼠食郊牛角改卜牛麇鼠又食其角乃免牛

其初食也曷為不言其急辭也穀梁子曰過有司也郊牛日展
斛角而知傷展道盡矣其所以備災之道未盡也又有繼之辭
也其緩辭也日亡乎人矣非人之所能也所以免有司之過也
夫有司免過斯災也已曷災乎以小賊夫大也

吳伐鄭

吳者周之伯父也曷為以國舉為僭王也

夏五月曹伯來朝

不郊猶三望

既曰免牛矣又曰不郊何也決望失也

秋楚公子嬰齊帥師伐鄭

公會晉侯齊侯宋公衛侯曹伯莒子邾子杞伯救鄭

善鄭之是救也往歲之救之也晉自救之而已而今合九國而後救焉則楚之暴不亦愈可知焉

八月戊辰同盟于馬陵

公至自會

盟曷同乎同病楚也胡氏曰善救鄭也美之也固也雖然能合九國矣其奚煩盟焉有不協也故曰同若曰以其事則同矣是不有不協也于是來年晉遂有二命于我是誠有不協也故公不以救鄭致也

吳入州來

冬大雩

穀梁子曰雩不月而時非之也冬無為雩也其有言秋者志慢也

衛孫林父出奔晉

戊寅周簡王八年

春秋不專

卷八 成公

札

春秋不傳 卷八
春晉侯使韓穿來言汶陽之田歸之于齊

曰使不宜使也曰來不宜來也曰言非所宜言也其曰來言也何公羊子曰內辭也脇我使我歸之也故不曰汶陽田歸于齊而胥加之之云者重辭也夫汶陽之田我故田也其取諸齊也猶晉侯命也于是七年之中而晉侯遂有二命也而我為所脇焉其亦弱也

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣

胡氏曰納幣不書此何以書公孫壽卿也納幣使卿非禮也禮不可過也

晉殺其大夫趙同趙括

濫矣曷為不言及均無罪也不以趙同累趙括也

秋七月天子使召伯來賜公命

曰使不宜使也曰來不宜來也公無可賜命之道也曷為不言天王而言天子天王者臨諸侯之稱也尊之也天子者君天下之稱也親之也一人之通稱也穀梁子曰見一稱也賜者何錫也曷為不言錫言天王則言錫尊之也言天子則言賜親之也曷為獨于此焉一見之蓋錫命止此矣

冬十月癸卯杞叔姬卒

曷為仍係諸杞而錄其卒隱之也出之不以其罪也

晉侯使士燮來聘

叔孫僑如會晉士燮齊人邾人伐邾

以邾之即於吳也非邾之所得已也夫向者吳伐之則莫能救之而復摟諸侯以伐之非字小之道也

衛人來媵

媵者從嫁也凡諸侯嫁女則二國媵焉然則是常事也何以書有後事也

已周簡王九年齊頃十
卯周四年七年卒

春王正月杞伯來逆叔姬之喪以歸

夫無逆出妻之喪以歸者也曷為來逆我責而歸之也我曷為責而歸之其出之不以其罪也

公會晉侯齊侯宋公衛侯鄭伯曹伯莒子杞伯同盟于蒲

無中事何以盟謀不協也于是晉有二命于我故宜諸侯之不協也夫謀不協而為盟末也故曰同惡之也月猶信也

公至自會

二月伯姬歸于宋

夏季孫行父如宋致女

胡氏曰致女者何女既嫁三月而廟見則成婦矣于是父母使

人安之常事爾何以書致女使卿過也情溢于禮也
晉人來媵

秋七月丙子齊侯無野卒

晉人執鄭伯晉欒書帥師伐鄭

人執之者而不名執者非霸討也而況執其君而復以大眾臨其國也

冬十有一月葬齊頃公

楚公子嬰齊帥師伐莒庚申莒潰楚人入鄆

潰不日此何以日甚失民也蔡之潰也以八國之師沈以六國之師而此惟楚之一軍耳其失民心也不其甚乎庸直為不設

備也已乎

秦人白狄伐晉

伐霸豈無師其稱人何伐霸國也且偕夫狄也

鄭人圍許

圍國而言人罪不急君也

城中城

其為備也愈微矣然所以固國之道非也

庚辰周簡王十年晉景十九卒
齊靈公環元年

春衛侯之弟黑背帥師侵鄭

衛黑背猶之齊年鄭語也曷為或言其或言之其云者內辭也

接乎我也之云者外辭也不接乎我也或曰自君使之言其焉
夏四月五卜郊不從乃不郊

夏四月不時也五卜強也不郊曷爲不言免牲不免牲也曷爲
不免牲不郊不遽免牲也卜而後免焉不吉故不免也曷爲卜
而後免蓋嘗置諸上帝矣然則將若牲何曰繫而待逮六月上
甲始庀牲然後左右之

五月公會晉侯齊侯宋公衛侯曹伯伐鄭

納鄭伯也何以不言納可以納也故鄭伯亦不言入也

齊人來媵

三國媵非禮也諸侯之女歸則以娣姪從二國來媵亦各以娣

姪從故古者諸侯一娶九女三國媵則是娶十有二女也曷爲
三國媵爭媵也曷爲爭媵賢伯姬也古者諸侯庶女與非嫡者
則求爲媵固爲之擇賢小君三國爭媵信伯姬之無妒行也故
宋之來納幣也我之致之也皆不宜有所過而過焉賢之也胡
氏曰事有因貶以見褒者豈不然哉

丙午晉侯獯卒

何以不葬諱也公親會之也

秋七月公如晉

會其葬也何以不言會葬諱之也諸侯不相會葬也親會葬事
天王之道也何以知其會葬乎數晉侯之葬月則公在晉矣

冬十月

辛周簡王十有一年 晉厲公 蒲元年

春王三月公至自晉

不以會葬致深諱之也月以謹之則見以會葬致也

晉侯使卻犇來聘己丑及卻犇盟

猶之盟荀庚孫良夫也

夏季孫行父如晉

秋叔孫僑如如齊

冬十月

壬周簡王十有二年 午周七年

春周公出奔晉

周公者何天子之二公也自周無出此其日出何政令不行于

天下也

夏公會晉侯衛侯于瑣澤

秋晉人敗狄于交剛

何以不日敗者狄也何以且不月微之也狄不肆虐若而年矣

雖不敗之可也

冬十月

癸周簡王十有三年 曹宣十 未八年 七卒

春晉侯使卻錡來乞師

春秋不專

卷八 成公

古

春秋不傳 卷八
霸不言乞師也霸言乞師是徵師也徵則其曰乞何不與徵也
魯之師非晉得專者也土地甲兵各受之天子者也

三月公如京師

公如京師者何朝也朝則其言如何不能朝也不能朝若何以
伐秦行也以伐秦行則其如京師以朝何不敢過天子也夫諸
侯之襲佐也服喪畢則有朝小聘大聘終則有朝巡狩于方嶽
則有朝奈何二百四十二年之間而公如京師者僅一見也而
又非專行也而他國可知矣然則是殆春秋之所由作與

夏五月公自京師遂會晉侯齊侯宋公衛侯鄭伯曹伯邾人滕人
伐秦

固以伐秦行也而顧遂伐秦之事也何明朝王重也存君臣也
雖然自京師而有遂事焉即其不能朝已見焉故兩謹以月焉

曹伯廬卒于師

秋七月公至自伐秦

審哉其以伐秦行也

冬葬曹宣公

時葬慢甚也于是曹有故焉焉用知之夫諸侯之卒于事者則
葬之加一等而顧加慢焉其為不臣子者多矣

甲周簡王十有四年衛定十二年 曹成公負

申周九年芻元年 秦桓二十八年
春王正月莒子朱卒

春秋不傳

卷八 成公

七

夏衛孫林父自晉歸于衛

秋叔孫僑如如齊逆女

鄭公子喜帥師伐許

九月僑如以夫人婦姜氏至自齊

穀梁子曰以者不以者也大夫不以夫人也以夫人非正也譏不親迎也

冬十月庚寅衛侯臧卒

秦伯卒

乙酉周簡王十有五年衛獻公衍元年宋共

春王二月葬衛定公

三月乙巳仲嬰齊卒

癸丑公會晉侯衛侯鄭伯曹伯宋世子成齊國佐邾人同盟于戚晉侯執曹伯歸于京師

舉爵以執霸討也歸于京師不言之非重辭也順之也其為霸討若何曹伯也者非曹伯也曹賊也奚以知其曹賊先君之葬也若在所厚而薄焉夫豈無故也已乃曹賊則何以謂之曹伯而不名也諱天王之失刑也晉侯執之正也而不敢專焉而歸于京師愈正也而天王釋之則是天王伯之也故明從天王之爵之者不敢言天王之縱有罪也

公至自會

春秋不傳

卷八 成公

三

夏六月宋公固卒

楚子伐鄭

晉莫能救焉將失鄭矣

秋八月庚辰葬宋共公

宋華元出奔晉

宋華元自晉歸于宋宋殺其大夫山宋魚石出奔楚

歸于宋而復係之宋不絕之也曰歸順之也曰自晉晉有秦焉耳正之也負罪以出敢奔霸國矣曷為正之能討有罪也奚以明之山不氏惡也魚石奔楚失所因也雖然山曷為不去其官專殺也

冬十有一月叔孫僑如會晉士燮齊高無咎宋華元衛孫林父鄭公子鮪邾人會吳于鍾離

吳以號舉會而殊會故謹而月也噫以霸國而率諸國大夫以會吳聖人庸勿傷之

許遷于葉

丙周簡王十有六年宋平公成元年

春王正月雨木冰

雨木冰者何雨而木冰也記異也雨無冰道也木無雨而冰之道也陰陽和而後雨故先解冰而後雨雨而冰是雨而猶不和也而況木陽也冰陰也

夏四月辛未滕子卒

鄭公子喜帥師侵宋

鄭于是復即于楚矣

六月丙寅朔日有食之

晉侯使欒黶來乞師

甲午晦晉侯及楚子鄭伯戰于鄢陵楚子鄭師敗績

楚稱君敗及君也鄭稱師敗未及君也

楚殺其大夫公子側

秋公會晉侯齊侯衛侯宋華元邾人于沙隨不見公

不見公者何公不見見也公不見見則辱也何以不諱不恥也

曷爲不恥自反而縮也君子以爲是橫逆也故穀梁子曰不見公者可以見公也可以見公而不見公譏在諸侯也

公至自會

公會尹子晉侯齊國佐邾人伐鄭

遂致王臣會伐焉于是愈陵且替矣

曹伯歸自京師

曹伯終不名尊王命也不言所歸義不得復入于曹也然而天王則釋之矣故言自京師言天王之釋有罪也其曰歸自京師言易也夫惡不卽刑天討謂何矣春秋能無作乎

九月晉人執季孫行父舍之于莒邱

春秋不傳 卷八
以人執惡執也之于云者重辭也穀梁子曰執者不舍而舍公所也執者致而不致公在也何其執而辭也猶存公也存意公亦存也公存也

冬十月乙亥叔孫僑如出奔齊

由內奔而曰出絕之也公在外也僑如何以出奔賊臣也何以知其賊臣公如會行父從焉僑如居守晉執季孫則是止公也而叔孫恬焉迨其出奔然後及晉盟而公得返焉然則行父之執僑如之爲也

十有二月乙丑季孫行父及晉郤犇盟于扈
公至自會

乙酉刺公子偃

刺不言其罪可以刺也僑如之黨也故內刺而日不厭詳也

丁亥周簡王十有七年

春衛北宮括帥師侵鄭

夏公會尹子單子晉侯齊侯宋公衛侯曹伯邾人伐鄭

六月乙酉同盟于柯陵

秋公至自會

齊高無咎出奔莒

九月辛丑用郊

用者不宜用也郊何以用于九月也或曰蓋以人饗叩其鼻血

春秋左傳卷之八
以薦焉夫古者六畜不相為用而況于人乎

晉侯使荀營來乞師

冬公會單子晉侯宋公衛侯曹伯齊人邾人伐鄭

十有一月公至自伐鄭

以事致正之也乃知秋以會致者惡柯陵之同盟也

壬申公孫嬰齊卒于狸脹

非是月日也曷為係之是月待君命也蓋公在會矣十月壬申

公孫嬰齊卒于狸脹十有一月公至自伐鄭告焉然後書之禮

也焉知其非是月日乎十有二月丁巳朔則十有一月無壬申

也或曰有閏焉

十有二月丁巳朔日有食之

邾子貜且卒

晉殺其大夫卻錡卻犇卻至

楚人滅舒庸

戊子周簡王十有八年晉厲

春王正月晉殺其大夫胥童

庚申晉弒其君州蒲

舉國以弒無所歸獄也其君之惡甚矣猶書莒弒其君庶其也

齊殺其大夫國佐

公如晉

夏楚子鄭伯伐宋宋魚石復入于彭城

是伐宋納魚石也何以不言納不與納也諸侯失國諸侯納之正也大夫失位諸侯納之非正也諸侯世也大夫不世也曰入不順也惡之也日復已絕也重惡也彭城不係諸宋言魚石不得復入于宋也且言宋之不能自有其彭城也

公至自晉

晉侯使士匄來聘

未踰年之君也何以舉爵不君先君也

秋杞伯來朝

八月邾子來朝

築鹿囿

鹿者何邑也築囿非事也鹿非地也

己丑公薨于路寢

冬楚人鄭人侵宋

晉侯使士魴來乞師

十有二月仲孫蔑會晉侯宋公衛侯邾子齊崔杼同盟于虛朶不日信晉侯也

丁未葬我君成公

春秋不傳卷八終

五世姪孫 顓校栞

春秋字音

成公

二年

僑

音喬

鞏

音安

汶

音問

三年

去

見宣八年後人名皆同

廡

在頁反

咎

音羔

六年

鄭

音專

費

音祕後同

欒

落官反

七年

躋

音奚

八年

括

古活反

召

見僖四年

燮

蘇協反

九年

頃

音傾後凡諡皆同

十年

獯

乃侯反

十有一年

驪

尺由反

春秋左傳

卷八 成公

十有三年

錡魚綺反

十有五年

咎其九反

鮪音秋

葉舒涉反

十有六年

麇於滅反

舍如字

茗音條又章遙反又上饒反

十有七年

狸力之反

賑示軫反

獲俱縛反

且子餘反

十有八年

句音蓋

魴音房

杼直呂反

虛起居反

打他丁反

春秋不傳卷九

寶應湯啟祚著

襄公

名午成公之子也按諡法因事有功曰襄辟土有德曰襄

己丑

周簡王十一年

晉悼公元年

齊靈十一年

衛獻五年

蔡景二年

桓六十五年

宋平十四年

秦景五年

曹成六年

陳成二十七年

杞

春王正月公即位

仲孫蔑會晉欒黶宋華元衛甯殖曹人莒人邾人滕人薛人圍宋彭城

宋華元曷為會圍宋彭城非宋彭城也非宋彭城曷為謂之宋

彭城左氏曰追書也曷為追書不登叛人也叛人孰謂謂魚石

也彭城者宋故邑也于是楚鄭伐宋取之以封魚石焉然而君子不與也故知此霸討矣雖然宋既已失之矣曷為仍係諸宋其奚以而憑旃曰憑先王之命

夏晉韓厥帥師伐鄭仲孫蔑會齊崔杼曹人邾人杞人次于郟晉伐鄭則五國曷為次于郟會伐鄭也會伐鄭則曷為次不虐之也聲厥罪而已故書次以善晉也夫伐而次斯善矣而況止諸國之師而第以一軍往也

秋楚公子壬夫帥師侵宋

九月辛酉天王崩

邾子來朝

冬衛侯使公孫剽來聘

晉侯使荀罃來聘

諸侯有即位者小國朝之大國聘焉禮也夫雖然天王崩矣藏在諸侯之策矣而奔喪廢焉而朝與聘不廢焉其非禮也夫

庚靈王二年鄭成十四卒

春王正月葬簡王

鄭師伐宋

楚鄭皆有事于宋焉不能悛于彭城與郟之役也

夏五月庚寅夫人姜氏薨

六月庚辰鄭伯踰卒

晉師宋師衛甯殖侵鄭

鄭可討也其稱師以言侵何惡伐喪也

秋七月仲孫蔑會晉荀罃宋華元衛孫林父曹人邾人于戚

己丑葬我小君齊姜

齊姜與穆姜則未知其孰宣夫人與孰成夫人與

叔孫豹如宋

冬仲孫蔑會晉荀罃齊崔杼宋華元衛孫林父曹人邾人滕人薛

人小邾人于戚遂城虎牢

曷為城虎牢以逼鄭也虎牢者何鄭邑也曷為不係諸鄭譏失險也虎牢者鄭之塞邑也虎牢城而鄭不可恃矣夫王者在德

不在險險豈聖人攸貴焉雖然恃險不可也失險亦不可也曷曰天險不可升也地險山川邱陵也王公設險以守其國險之時用大矣哉

楚殺其大夫公子申

辛卯周靈王三年鄭僖公髡頑元年

春楚公子嬰齊帥師伐吳

公如晉

夏四月壬戌公及晉侯盟于長樛

盟霸主也曷為不言會不以盟往也則曷為不言遂不以盟遂乎朝也朝大而盟小也朝而遂盟焉可也故仍以朝致也

公至自晉

六月公會單子晉侯宋公衛侯鄭伯莒子邾子齊世子光己未同盟于雞澤

陳侯使袁僑如會

戊寅叔孫豹及諸侯之大夫及陳袁僑盟

諸侯在是矣曷為大夫盟不敢抗陳袁僑也及以殊之也曷為殊之外之也曷為外之夷之也自陳侯之始立也即為辰陵之盟而專即于楚于是乎二十有九年矣未嘗一與諸夏之會盟也

秋公至自會

冬晉荀偃帥師伐許

王靈王四年 陳成三
辰周三年 十卒

春王三月己酉陳侯午卒

午者何陳侯之名也即我公之名也孟子曰諱名此何以稱焉君子不拘小謹也蓋諱固有義焉諱其惡不諱其嫌也諱其事不諱其文也是故于莊公之世則書同盟焉于僖公之世則書戊申焉于定公之世則書宋人焉以為違禮而曲諱者妾婦之道也今夫陳午之立也三十年矣未嘗躬與夏盟也纔一使乎大夫耳乃其卒也曷不削其月日以同于蔡肸乎蓋春秋大改過君子以是為忠恕也

夏叔孫豹如晉

秋七月戊子夫人妣氏薨

妣氏非夫人也猶之敬嬴也

葬陳成公

八月辛亥葬我小君定妣

冬公如晉

陳人圍頓

癸巳周靈王五年陳哀公四年溺元年

春公至自晉

夏鄭伯使公子發來聘

于是鄭伯始親中國焉

叔孫豹鄆世子巫如晉

穀梁子曰外不言如而言如為我事往也

仲孫蔑衛孫林父會吳于善道

何以不言會衛孫林父非衛志也則何以不言及亦非我志也然則其晉之志也夫噫以霸者而命會吳其甚矣夫

秋大雩

楚殺其大夫公子壬夫

公會晉侯宋公陳侯衛侯鄭伯曹伯莒子邾子滕子薛伯齊世子光吳人鄆人于戚

春秋左傳卷九 襄公
吳何以稱人進之也曷爲進之不主是會也不主是會而來會
諸侯中國之道也故亦不殊之也

公至自會

冬戍陳

孰戍之我戍之我曷爲戍之晉命我戍之然則諸侯皆戍之也

楚公子貞帥師伐陳

公會晉侯宋公衛侯鄭伯曹伯齊世子光救陳

十有二月公至自救陳

辛未季孫行父卒

曾結平州之盟矣是亦從之者也何以日卒晚蓋也

甲午周靈王六年杞桓七年卒

春王三月壬午杞伯姑容卒

夏宋華弱來奔

秋葬杞桓公

滕子來朝

莒人滅鄆

滅國何以不月略之也不敢詳也曷爲不敢詳爲我諱也夫莒

滅鄆則曷爲爲我諱乎諱不救也叔孫如晉則鄆世子與偕焉

則鄆之事我必謹且周也已且以病晉也戚之會莒鄆皆在焉

冬叔孫豹如邾

季孫宿如晉

十有二月齊侯滅萊

乙未周靈王六年七年鄭僖五弒經書卒杞孝公句元年

春邾子來朝

夏四月三邾邾不從乃免牲

小邾子來朝

城費

費者何季孫之邑也而非時以勞民且城之不度焉則君子滋有履霜之懼矣雖然安知其不度乎曰使不失於度後亦安用墮為夫何以不言季孫城之也不使季孫為得民也

秋季孫宿如衛

八月螽

冬十月衛侯使孫林父來聘壬戌及孫林父盟

楚公子貞帥師圍陳

十有二月公會晉侯宋公陳侯衛侯曹伯莒子邾子于鄆

鄭伯髡頑如會未見諸侯丙戌卒于鄆

未見諸侯何以謂之如會也致其志也何以致其志賢之也弒也何以謂之卒公羊子曰為中國諱也而胡氏又以鄭伯為無弒道也諸侯之見弒者未或不有以自致者而鄭伯未有焉然則孰弒之必其臣弒之其臣曷為弒之于是乎楚人圍陳而鄭

伯將會諸侯勢必將及鄭也故其臣欲從楚不勝其臣弑而死夫弑君者大惡也乃寧逸賊而弗恤也者夫子蓋傷之耳奚以明其然也禮諸侯不生名卒之名也以卒之名而加如會之上見以如會卒也故諸侯之卒也在國不地鄭者鄭地也而地隱之也

陳侯逃歸

何以逃歸陳侯匹夫之也乃陳侯則何以逃歸畏于楚也夫所以爲鄆之會者將以救陳也甫成之矣且救之矣今又將救之而陳侯逃歸則是匹夫而已矣雖然使陳侯不歸而楚竟縣陳焉其若之何曰晉悼之世固不若景與厲之世也

丙申周靈王八年鄭簡公七年嘉元年

春王正月公如晉

夏葬鄭僖公

此不葬者也何以葬賢之也以鄭僖公爲弑之君也者不可以葬也以鄭僖公爲中國之君也者則不可以不葬也雖然不月而時志慢也卽以見其賊未討焉

鄭人侵蔡獲蔡公子燮

有獲矣何稱人以言侵乎微其功也是弑君之人也或曰旣弑君以怒晉復侵蔡以怒楚卽其謀國亦已戾焉

季孫宿會晉侯鄭伯齊人宋人衛人邾人于邢邱

晉侯何以與諸國之微者會乎皆貴大夫也皆貴大夫則何以稱人貶晉侯也貶晉侯則何以人諸大夫使晉侯與人會焉而晉侯貶矣何貶乎晉侯使大夫聽命也使大夫聽命是姑息之愛也而況啟不臣之漸也然則晉侯之失也而嫁辜于大夫何也晉侯雖以姑息令大夫不可以不臣而聽也何以知其皆貴大夫以我之貴大夫知之也何以知其使大夫聽命也于是公在而季孫宿會焉則是使大夫聽命也鄭伯親焉定之也

公至自晉

莒人伐我東鄙

九月大雩

冬楚公子貞帥師伐鄭

晉侯使士匄來聘

丁酉周靈王九年

春宋災

夏季孫宿如晉

五月辛酉夫人姜氏薨

秋八月癸未葬我小君穆姜

穆姜與齊姜則未知其孰宣夫人與孰成夫人與

冬公會晉侯宋公衛侯曹伯莒子邾子滕子薛伯杞伯小邾子齊

世子光伐鄭

春秋不傳 卷九
邢邱之會鄭伯與焉何以伐之也以楚公子貞之伐而復即于楚也

十有二月己亥同盟于戲

同云者有同也鄭服而盟也使鄭不服楚不復伐之矣何以不言鄭伯不信鄭伯也何以不信之尋復即楚也

楚子伐鄭

戊周靈王十年

春公會晉侯宋公衛侯曹伯莒子邾子滕子薛伯杞伯小邾子齊世子光會吳于柤

會以會殊之也噫以霸主而親帥諸侯以會吳聖人庸勿重傷

之

夏五月甲午遂滅偃陽

公至自會

楚公子貞鄭公孫輒帥師伐宋

于是鄭良即楚矣

晉師伐秦

秋莒人伐我東鄙

公會晉侯宋公衛侯曹伯莒子邾子齊世子光滕子薛伯杞伯小邾子伐鄭

齊光世子也何以先于滕薛杞小邾之君抗也而晉執之也

冬盜殺鄭公子駢公子發公孫輒

盜者何微者也公子公孫者何貴大夫也以貴大夫而微者得殺之失職矣不能乎官也故皆去其大夫也

戍鄭虎牢

孰戍之諸侯戍之諸侯曷為戍之以逼鄭也夫虎牢者諸侯既城之矣亦既已不屬諸鄭矣曷為復係以鄭也以為鄭先祖之受于先王者也則非諸侯之所得戍也

楚公子貞帥師救鄭

何書救鄭以善楚乎罪諸夏也何罪乎諸夏鄭可伐也而于是乎鄭亂盜殺其三卿而諸侯復戍虎牢以逼之君子謂其操之

為已切矣

公至自伐鄭

己亥周靈王十年十有一年

春王正月作三軍

三軍者何魯之舊也古者大國三軍次國二軍小國一軍魯大國也魯之舊其曰作三軍何卿分公軍也卿分公軍若何自征之也古者諸侯有軍卿將之事畢則還諸君魯自作邱甲以來固有四軍也然猶皆征自公也于是乎公弱三家者遂各分其一而征焉則殆與公埒矣然則是季孫之志也其曰作何蓋古者卿有軍行若公錫之殊恩者然存君臣也且不使季孫得專

魯也夫卿有一軍矣其專言季孫何當國也然則是舍三軍也其不言舍何也于是乎公猶有中軍苟一軍之未舍則子有所不忍言也

夏四月四卜郊不從乃不郊

鄭公孫舍之帥師侵宋

公會晉侯宋公衛侯曹伯齊世子光莒子邾子滕子薛伯杞伯小邾子伐鄭

齊世子何以復先于莒邾之君益抗也而晉益抗之也

秋七月己未同盟于亳城北

鄭又服而盟也愈不信之也尋又復即楚也

公至自伐鄭

楚子鄭伯伐宋

于是鄭良復即楚矣

公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚

既會伐矣復言會何得鄭之辭也序其績也美之也是鄭服而請會也乃不言鄭會謂鄭終不可信也蓋屢食言矣然而晉侯則竟信之矣會焉而不盟是誠信之也于是鄭遂不背晉者二十有四年而楚莫能與之爭也君子謂召陵之績不是過也則誠之感人也如是夫義之服人也如是夫

春秋不傳
卷九
公至自會

以後事致誠得乎鄭也

楚人執鄭行人良霄

稱人以執惡之也鄭言行人以國事執也于是鄭不背晉無惑焉

冬秦人伐晉

庚子周靈王十一年十有二年吳壽夢二十五年卒

春王三月莒人伐我東鄙圍台

圍邑不言伐國也此其兼言也何詳之也內辭也

季孫宿帥師救台遂入鄆

入不順也公羊子曰大夫無遂事此其言遂何公不得為政爾

穀梁子曰受命而救台不受命而入鄆也惡季孫宿也

夏晉侯使士魴來聘

秋九月吳子乘卒

不葬避其號也猶之楚子也

冬楚公子貞帥師侵宋

公如晉

辛丑周靈王十三年十有三年楚共三十一卒吳諸樊過元年

春公至自晉

夏取郟

春秋不傳

卷九 襄公

七

邾者何國也猶之成公書取邾也夫取邑而謹以月矣此何以不月厭詳也諱之也故知取邾之月非取邾之月也立武宮之月也故知取邾之月邑也滅邾者莒也乃取須句何以月且日遠也而此則近也襄哀之皇考也夫襄哀之王考也其日皇考何廟世也或曰取須句之月且日也以中更于邾焉

秋九月庚辰楚子審卒

冬城防

王周靈王十三年 十有四年 楚康王 昭元年

春王正月季孫宿叔老會晉士匄齊人宋人衛人鄭公孫薑曹人莒人邾人滕人薛人杞人小邾人會吳于向

謹以月數會吳也使舉上客耳其兼言宿老何以卿為介也介以卿非禮也或日月謹大夫專事之始也蓋舉王以討之也

二月乙未朔日有食之

夏四月叔孫豹會晉荀偃齊人宋人衛北宮括鄭公孫薑曹人莒人邾人滕人薛人杞人小邾人伐秦

己未衛侯出奔齊

莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭公孫薑莒人邾人于戚于是衛有事焉吳有事焉無貶殆必衛故也

癸周靈王十十有五年晉悼十五卒 衛獻十九殤公剽元年

春宋公使向戌來聘二月己亥及向戌盟于劉

劉夏逆王后于齊

何以不言使胡氏日不與天王之使夏也婚姻者人倫之本也王后者天下之母也劉夏書名則士也逆后以士不亦忽人倫之本而輕天下之母乎然則何使焉使卿逆而公監也

夏齊侯伐我北鄙圍成

公救成至遇

日至有不至也不敢以至也救而往不可以不至也

季孫宿叔孫豹帥師城成郛

秋八月丁巳日有食之

邾人伐我南鄙

冬十有一月癸亥晉侯周卒

甲辰周靈王十有六年 晉平公彪元年

春王正月葬晉悼公

三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

穀梁子曰諸侯失正矣諸侯會而日大夫盟正在大夫也諸侯在而不日諸侯之大夫大夫不臣也公羊子曰君若贅旒然

晉人執莒子邾子以歸

稱人以執非霸討也一執二君愈甚也以歸抑又甚也

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

秋齊侯伐我北鄙圍成

大雩

冬叔孫豹如晉

乙周靈王十有七年

春王二月庚午邾子貜卒

宋人伐陳

夏衛石買帥師伐曹

秋齊侯伐我北鄙圍桃

齊高厚帥師伐我北鄙圍防

君臣迭伐而皆圍邑焉暴甚矣

九月大雩

宋華臣出奔陳

冬邾人伐我南鄙

丙周靈王十有八年曹成二十三年卒

春白狄來

春秋不傳

襄公

日來不宜來也孰來乎其君也何以不言君狄也何以來朝也
不言朝不與其朝也其在天子世一見而已在諸侯則無時焉
可與通胡爲乎來哉

夏晉人執衛行人石買

穀梁子曰稱行人怨接于上也于是衛有事于曹誠有罪也何
以稱晉人行人雖將猶非行人之罪也古者二國雖有惡而使
在其間

秋齊師伐我北鄙

冬十月公會晉侯宋公衛侯鄭伯曹伯莒子邾子滕子薛伯杞伯
小邾子同圍齊

侵伐圍入未有言同者也此其言同何明諸侯之有同欲也所
以惡齊侯也何惡乎齊侯于是齊侯虐且甚背盟棄好而肆毒
于鄰封四年之中而加兵我者六焉而圍邑者四焉即其于他
國可知矣孟子曰國必自伐而後人伐之其齊侯之謂夫

曹伯負芻卒于師

楚公子午帥師伐鄭

丁未周靈王十年齊靈二十八年
曹武公滕元年

春王正月諸侯盟于祝柯

晉人執邾子

我故也于是邾暴也其不以霸討之何復疆其田也

公至自伐齊

圍也何以致伐恕諸侯之圍齊也夫恕乎諸侯所以病齊侯也取邾田自鄆水

公羊子曰其言自鄆水何以鄆爲竟也何言乎以鄆爲竟鄆移也

季孫宿如晉

葬曹成公

夏衛孫林父帥師伐齊

秋七月辛卯齊侯環卒

晉士匄帥師侵齊至穀聞齊侯卒乃還

日至非無意于至也日乃還善之也何善乎爾大其不伐喪也古者之爲師也不伐喪大夫無專事此其善之何闔外也大夫以君命出竟有可以安國家利社稷者則專之可也穀者齊地也聞齊侯卒乃還君子是以謂士匄之仁也還者未畢事之辭也乃者重辭也有故之辭也謂其以聞齊侯卒之故而還雖不畢事焉可也故重言之也惡事重言之爲甚惡善事重言之爲大美未將事而返日復將事而未畢日還畢事日至自

八月丙辰仲孫蔑卒

齊殺其大夫高厚

鄭殺其大夫公子嘉

冬葬齊靈公

城西郭

西郭者何都之西郭也

叔孫豹會晉士匄于柯

城武城

戊申周靈王二十年齊莊公光元年

春王正月辛亥仲孫速會莒人盟于向

夏六月庚申公會晉侯齊侯宋公衛侯鄭伯曹伯莒子邾子滕子

薛伯杞伯小邾子盟于澶淵

秋公至自會

仲孫速帥師伐邾

蔡殺其大夫公子燮蔡公子履出奔楚

陳侯之弟黃出奔楚

穀梁子曰諸侯之尊兄弟不得以屬通其弟云者親之也親而奔之惡也

叔老如齊

冬十月丙辰朔日有食之

季孫宿如宋

己酉周靈王二十有一年

春王正月公如晉

邾庶其以漆闔邱來奔

邾庶其者何邾大夫也邾小國無大夫也何以書名接我也猶之書莒慶也日以不以者也大夫不得以地也以漆闔邱來奔是以地叛也何以不言叛諱我之納叛也然日奔而日來則亦既彰焉漆闔邱者何二邑也何以不言及皆其私邑也大夫雖其私邑不得以之從于人也為君守土而已

夏公至自晉

秋晉欒盈出奔楚

九月庚戌朔日有食之

冬十月庚辰朔日有食之

曹伯來朝

公會晉侯齊侯宋公衛侯鄭伯曹伯莒子邾子于商任

于是諸侯之國皆無事焉何以會殆為欒盈也其為之若何錮之也

庚靈王二十二年戊周十一年

春王正月公至自會

夏四月

秋七月辛酉叔老卒

冬公會晉侯齊侯宋公衛侯鄭伯曹伯莒子邾子薛伯杞伯小邾

子于沙隨

春秋不傳

襄公

年

無中事何以復會殆終爲欒盈也重錮之也君子謂晉侯于是乎不君古者大夫之去國也君不掃其社稷不繫纍其子弟不收其邑入使人導之出疆而又先于其所往焉奈何其錮之且重錮之也且何其疾不仁之人爲已甚也

公至自會

楚殺其大夫公子追舒

辛酉周靈王二十有三年 杞孝十七卒

春王二月癸酉朔日有食之

三月己巳杞伯匄卒

夏邾畀我來奔

葬杞孝公

陳殺其大夫慶虎及慶寅

陳侯之弟黃自楚歸于陳

晉欒盈復入于晉入于曲沃

大夫言復入甚惡也曲沃者何其私邑也既曰入于晉矣又曰入于曲沃何二曲沃于晉也其二曲沃于晉也何致其志而誅之也其志蓋將以曲沃襲晉也人臣無將將而誅焉然則入于曲沃以叛也何以不言叛殆不惟叛而已據其私邑抗而有焉叛說也是殆將以襲國也豈直叛說哉然則何以不直曰入于曲沃先言入于晉也者不使曲沃得二于晉也

秋齊侯伐衛遂伐晉

八月叔孫豹帥師救晉次于雍榆

齊于是乎始伐霸救焉可也而何其次也而况救霸也故月之

己卯仲孫速卒

冬十月乙亥臧孫紇出奔邾

晉人殺欒盈

賊討之也

齊侯襲莒

襲者輕行而掩之之謂

王周靈王二十有四年杞文公益姑元年

春叔孫豹如晉

仲孫羯帥師侵齊

夏楚子伐吳

秋七月甲子朔日有食之既

齊崔杼帥師伐莒

大水

八月癸巳朔日有食之

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

冬楚子蔡侯陳侯許男伐鄭

公至自會

陳鍼宜咎出奔楚

叔孫豹如京師

大饑

何言乎大饑救災之道全無也夫周禮有荒政十二焉奈何其
不講之也乎而況公宜有八年之餘也乎

癸丑周靈王二十有五年齊莊六弒吳諸樊十三卒

春齊崔杼帥師伐我北鄙

夏五月乙亥齊崔杼弒其君光

公會晉侯宋公衛侯鄭伯曹伯莒子邾子滕子薛伯杞伯小邾子

于夷儀

于是乎齊人弒君是殆將伐齊也何以不言伐齊不能乎伐也
其不能乎伐若何不終厥事也

六月壬子鄭公孫舍之帥師入陳

秋八月己巳諸侯同盟于重邱

何以言同盟惡之也何以惡之伐齊而不終也

公至自會

衛侯入于夷儀

猶書鄭伯突入于櫟也然突名也衍何以不名衛衍之衛也而
鄭非突之鄭也其奪諸忽者也

楚屈建帥師滅舒鳩

冬鄭公孫夏帥師伐陳

十有二月吳子遏伐楚門于巢卒

門于巢卒者何入門乎巢而巢人卒之也巢者南國也穀梁子曰以伐楚之事門于巢卒也于巢者外乎楚也門于巢乃伐楚也諸侯不生名取卒之名加之伐楚之上也見以伐楚卒也古者雖有文事必有武備焉古者大國過小邑小邑必飾城而請罪焉吳子遏伐楚門于巢卒非巢之不飾城而請罪也非吳子之自輕也

甲寅

周靈王二十有六年

齊景公杵臼元年

衛獻三

十殤十二弒

吳餘祭元年

春王二月辛卯衛甯喜弒其君剽

衛之出入也不名則未絕者也剽何得為君乎使甯喜君之也且諸侯皆使之君衛也自涖梁之會以來列者七矣然則孰與乎胡氏曰莫適與也不沒其實耳

衛孫林父入于戚以叛

叛者何據地以抗君也左氏曰臣之祿君實有之義則進否則奉身而退專祿以周旋戮也

甲午衛侯衎復歸于衛

復歸矣何以名絕之也曷為絕之知弒剽也故凡喜之弒為衎弒也故不言入而言歸言有為之內也其出與入之不名也者

猶俟其改過也今淹恤在外十有二年矣而猶不悛若是則君子謂其去死也幾希矣日謹也

夏晉侯使荀吳來聘

公會晉人鄭良霄宋人曹人于澶淵

秋宋公殺其世子痤

猶書晉侯殺其世子申生也

晉人執衛甯喜

此弑君者也曷為復見而不與晉以霸討乎歸獄于獻公也夫衛故衞之衛也曷為歸之獄者衞之出非剽之故也

八月壬午許男甯卒于楚

冬楚子蔡侯陳侯伐鄭

葬許靈公

乙卯周靈王二十有七年

春齊侯使慶封來聘

夏叔孫豹會晉趙武楚屈建蔡公孫歸生衛石惡陳孔奐鄭良霄許人曹人于宋

于是乎晉楚始同會焉

衛殺其大夫甯喜

殺之不以其罪也累獻公也猶書晉殺其大夫里克也故知晉亦執之不以其罪也

春秋不傳 卷九
衛侯之弟鱣出奔晉

鱣以屬言善之也何善乎爾得弟道也于是衛侯不仁而食言其未入也既結喜以弑剽而入也復殺之則豈能弟其弟者矣然而鱣無如何也于是潔其身而去之故穀梁子曰鱣之去合乎春秋

秋七月辛巳豹及諸侯之大夫盟于宋

時會日盟詳之也詳之者惡之也猶是地也何以再言宋也重惡也楚之僭且虐也非一朝一夕之故矣然而諸侯猶外之也而諸侯之南向而旅見之也則自宋之盟昉也

冬十有二月乙亥朔日有食之

丙辰周靈王二十二年有八年楚康十五年卒

春無冰

夏衛石惡出奔晉

邾子來朝

秋八月大雩

仲孫羯如晉

冬齊慶封來奔

十有一月公如楚

月如謹如也朝于楚也噫我朝于楚而諸侯皆可知矣

十有二月甲寅天王崩

乙未楚子昭卒

乙未之距甲寅四十有二日矣何以同月閏也何以不言閏喪不數閏也喪何以不數閏閏固無加于歲功也故喪之數閏為殺恩也然則晉侯詭諸之卒也甲子後于戊辰是可知也已

丁巳周景王二十有九年 衛獻三十三卒 楚郊敖 麋元年 吳餘祭四弒

春王正月公在楚

其言公在楚何歲之首以存公也他歲首之公在他國者多矣何以不言公在可以在也此何以不可在楚止公以葬其君也危道也故存之也于是數楚子之葬月則公在楚焉雖然成會葬晉景矣且亦踰歲有矣何以不言公在晉晉者霸國也楚者

夷也故穀梁子曰閔公也

夏五月公至自楚

月致謹致也

庚午衛侯衎卒

閔弒吳子餘祭

穀梁子曰閔門者也寺人也不稱名姓閔不得齊于人不稱其君閔不得君其君也禮君不使無恥不近刑人不狎敵不邇怨賤人非所貴也貴人非所刑也刑人非所近也舉至賤而加之吳子吳子近刑人也閔弒吳子餘祭仇之也蓋謂其必有怨焉仲孫羯會晉荀盈齊高止宋華定衛世叔儀鄭公孫段曹人莒人

滕人薛人小邾人城杞

無譏焉耳

晉侯使士鞅來聘

杞子來盟

杞何以稱子殆必其監國者乎何言之于是諸侯之大夫城杞則杞其無故者乎然則殆猶踐土之衛子也

吳子使札來聘

吳何以遂稱子進之也聘中國諸侯之事也札不氏蠻夷之大夫也夫札者翩翩濁世之嘉公子也則所宜賢者辭曷為與楚之椒秦之術也同春秋之義也貴其宜不惟其節觀其大不取

其細以為札之為有非春秋之義也未踰年而爵以君命使也

秋七月葬衛獻公

齊高止出奔北燕

冬仲孫羯如晉

戊午周景王三十年衛襄公惡元年 蔡景四十九年 吳夷末元年

春王正月楚子使薳罷來聘

聘不月者何何以月謹也曷為謹我不可以受也我之不可以受若何諸侯之相聘禮也我則朝之且止公以葬其君而使大夫來聘焉則天王所以待諸侯之道也于晉卻犇之聘有同焉

夏四月蔡世子般弑其君固

春秋左傳卷九 襄公
五月甲午宋災宋伯姬卒

穀梁子曰取卒之日加之災上者見以災卒也婦人以貞爲行者也伯姬之婦道盡矣詳其事賢伯姬也婦人之義傅姆不在保姆不在宵不下堂故逮乎火而死于伯姬寡三十有四年矣而婦道無失焉是以爲共姬也

天王殺其弟佖夫

直稱天王甚之也其弟者其母弟也君無忍親之義天王不殺其弟則人孰得而殺之矣

王子瑕奔晉

自周無出正也天下皆其內也

秋七月叔弓如宋葬宋共姬

內夫人葬外夫人不葬而我女則葬正也其尊同也內夫人言諡外夫人不言諡而雖我女不言諡正也婦人之行不聞乎外既嫁則從夫諡者諡其行也固非我所宜聞也乃此之諡也何非其諡也非其諡曷爲謂之共其夫之諡也其夫之諡則曷爲加諸姬婦人從夫者也可以以夫之諡加諸也既可以以夫之諡加諸夫婦人孰不從夫者盍盡加諸無徵也有徵則加諸無徵則不伯姬之卒也以災則其能從夫有徵者也賢之也蓋春秋有筆有削焉葬所同也諡所獨也其筆焉者也乃若鄧季姬之不葬則削者也

鄭良霄出奔許自許入于鄭鄭人殺良霄

入不言復未絕也以人殺之而不言其官賊討之也既已未絕其以賊討之何蓋其甫出而入也其入即有自結外援矣固殆不惟乎叛而已

冬十月葬蔡景公

弑君不葬也此何以葬胡氏曰遍刺天下之諸侯也蔡景者爲其世子般所弑者也則天下之變莫甚焉嘗聞斷斯獄矣臣弑君凡在官者殺無赦子弑父凡在宮者殺無赦然則天下之諸侯苟有人臣與子之心者未有不思致其辟者而顧會其葬也然則皆蔡世子般而已矣

晉人齊人宋人衛人鄭人曹人莒人邾人滕人薛人杞人小邾人會于澶淵宋災故

會不言故此其言故何不正其以是故也諸侯有故諸侯謀之正也曷爲不正其以是故于是蔡之變天下莫甚焉蔡之罪天下莫大焉以爲天下之大夫苟有人臣與子之心者未有不思致其辟者而置之不問焉而惟宋之災是謀焉然則皆蔡世子般而已矣故胡氏曰遍刺天下之大夫也是以晉人之

己周景王三十有一年蔡靈公

春王正月

夏六月辛巳公薨于楚宮

春秋不傳

卷九襄公

春秋不傳 卷九
楚宮非正也

秋九月癸巳子野卒

未踰年之君也日而無他辭正也

己亥仲孫羯卒

冬十月滕子來會葬

親會葬非禮也故月以謹之

癸酉葬我君襄公

十有一月莒人弑其君密州

春秋不傳卷九終

五世姪孫 顛校棊

春秋字音

襄公

元年 剽匹妙反

二年 踰古困反

三年 樗勅居反 僑其驕反

四年 媯音似

七年 鄆于軌反 髡苦門反 鄆七報反又采南反

九年 戲許宜反

十年 粗莊加反 偪音福又彼力反 輒陟葉反 駢音非

十有一年 舍音捨 毫蒲落反又步各反

春秋不傳 卷九 襄公

十有三年 邦 音詩

十有四年 薑 反丑 邁 向見隱二年

十有六年 溟 反古 闕

十有七年 輕 反苦 耕

十有八年 芻 反宅 隅

十有九年 灑 好貌反又好

二十年 澶 反市然 向 見隱二年

二十有一年 漆 音七 闕 反力於 任 音壬

二十有三年 沃 反鳥 酷 雍 見文八年 榆 音俞 紇 恨發反又下沒反

襲 音習

二十有四年 羯 反居 竭 鍼 反其 廉

二十有五年 重 反真 龍 鳩 反居 求 遏 反於 葛 舍 見十年

二十有六年 叛 反薄 半 衍 反苦 肝 瘞 反才 何

二十有七年 鱗 反市 戀 反又音專 奐 反火 貫

二十有九年 闇 音昏 鞅 反於 兩

三十年 遠 反于 委 罷 音皮

看秋不傳

卷九

國

